



2024

# — AYMARA — SARAWINAKA CH'AMAÑCHAÑATAKI

CHAPARA ARUNAKA SAWINAKA JAMUSIÑANAKA



VERSIÓN EN CASTELLANO





# — AYMARA — SARAWINAKA CH'AMAÑCHAÑATAKI

CHAPARA ARUNAKA SAWINAKA JAMUSIÑANAKA

## 2024

Impresión apoyada a través del proyecto: *“Por el derecho a la educación de niñas, niños y adolescentes con pertinencia cultural y lingüística y libre de violencia”*.

Este documento ha sido producido (impreso) con el apoyo financiero de Educación en Voz Alta. Su contenido es responsabilidad exclusiva del equipo ejecutor del proyecto y no refleja necesariamente las opiniones de los donantes Oxfam DK y GPE.



Chuqi Apu - Qullasuyu

# AYMARA SARAWINAKA CH'AMAÑCHAÑATAKI

CHAP ARUNAKA SAWINAK JAMUSIÑANAKA

Ministerio de Educación del Estado Plurinacional  
de Bolivia.

Instituto Plurinacional de Estudio de Lenguas  
y Culturas (IPELC)

Qullana Aymara Aru Kamani Jach'a Uta

Instituto de Lengua y Cultura de la Nación Aymara (ILCNA)  
"DHC Félix Layme Pairumani".

Lic. Omar Veliz Ramos  
Ministro de Educación

Lic. Erasmo López Rivero  
Director General Ejecutivo (IPELC)  
Instituto Plurinacional de Estudio de Lenguas y Culturas

Mgr. Franz Layme Pérez  
Coordinador del Instituto de Lengua y Cultura de la Nación  
Aymara (ILCNA) "DHC Félix Layme Pairumani".  
"Qullana Aymara Aru Kamani Jach'a Uta"

Qillqirinaka:  
ESFM tuqina yatiqirinaka, yatichirinakana  
yanapt'awipampi.

Askichirinaka:

Dionisio Mamani Limachi  
Rolando Ever Julian Cusi

Uñakipirinaka:

Franz Gabriel Layme Perez  
Roberto Misme Lucana  
Josue Quispe Quispe  
Aurelio Chavez Callisaya  
Alejandra Mejillones Jimenez  
Benigno Callisaya Ojeda  
Sofía Alcón Tancara  
Fabio Callisaya Vela  
Valentina Adela Mamani Blanco  
Benedicto Torrez López  
Amalia Mamani Pacolla  
Hugo Sanchez Sanchez

DR. Dibujos: ILCNA, Ever Rolando Julián

Ñit'suri utt'aya  
Oruro artes gráficas S.R.L.

Waqaycha kamachi jakhu:  
Resolución Administrativa IPELC ILCNA  
Ministerio de Educación 041/2024

Chuqi Apu - Qullasuyu

# INTRODUCCIÓN

---

En la actualidad, en el Estado Plurinacional de Bolivia se practica la oralidad de lengua originaria aymara. Así mismo, en otros países donde están los aymara hablantes.

En nuestros pueblos, también es hablada en las diferentes actividades cotidianas y socioculturales. Seguidamente, en las unidades educativas se pone en marcha la enseñanza de la lengua originaria aymara conforme a la Ley educativa 070 “Avelino Siñani – Elizardo Pérez”, en el proceso de enseñanza y aprendizaje.

Además, en las comunidades y en los diferentes pueblos de la nación Aymara existen muchos saberes y conocimientos ancestrales. Por esa razón, es pertinente que estos conocimientos sean incorporados en los diferentes textos de aprendizaje, para que las mismas no sean olvidadas por parte de las y los jóvenes.

Viendo esta realidad, desde el Instituto de Lengua y Cultura de la Nación Aymara (ILCNA) se desarrolla la enseñanza de la lengua aymara a partir de los saberes y conocimientos para fortalecer nuestra identidad cultural en las diferentes instituciones educativas.

Además, para la realización de este texto de aprendizaje se tomó en cuenta los trabajos finales de los estudiantes que fueron participantes del Taller Complementario de Lengua Originaria (TCLO) gestión 2023, de los diferentes ESFMs pertenecientes a la nación Aymara:

ESFM “Simón Bolívar”, “Unidad Académica Caranavi”, ESFM “Mcal. Andrés de Santa Cruz y Calahumana”, “Unidad Académica Corpa”, ESFM “Técnico Humanístico El Alto”, ESFM “Villa Aroma”, ESFM “Santiago de Huata”, ESFM “Warisata”, ESFM “Antonio José de Sucre”, ESFM “Caracollo”, “Unidad Académica Machacamarca”, “Unidad Académica Pampa Aullagas”, ESFM “Angel Mendoza Justiniano”, “Unidad Académica Corque”, ESFM “Franz Tamayo - Llica”, ESFM “Mcal. Andrés de Santa Cruz, Unidad Académica San Luis de Sacaca” y al mismo tiempo se recopiló algunas poesías de estudiantes de nivel primario.

Este texto de aprendizaje está dividido en tres partes: Poesías, proverbios aymaros y adivinanzas.

## QALLTA

Jichha maranakanxa, Qullasuyu markasanxa aymara arutxa arsusitakiskiwa. Ukatxa, anqaxa markanakansa ukakipkarakiwa arsusitaski. Markanakasanxa aymara arusaxa kunaymani lurawinakana ukatxa irnaqawinakana arst'asitaskiwa.

Yatiña uta taypinakansa niyawa aka 070 “Avelino Siñani – Elizardo Perez” kamachirjamawa aymara aruxa yatichawi, yatiqawi taypina sarxaruyataski.

Yamakisa, ayllunakasana, markanakasanxa walja yatiwinaka ukatxa sarawinakawa utjaski, ukatwa wakisi uka yatiwinakaxa panka tuqiru qillqt'atañapa. Ukhamata jichha wayna tawaqunakana jani armasipxañapataki.

Ukatwa, “Qullana Aymara Aru Kamani Jach'a Uta” tuqitpacha aymara arusa, sarawisa ukatxa yatiwinakasaxa markachirinakaru ch'amañcht'ataski. Aymara aruta yaticht'asa, ullaña, qillqaña, aruskipt'aña kunaymana yatiña uta taypinakana.

Yamakisa, aka pankaruxa kunaymani jach'a yatiña utankapki yatiqirinakana lurawinakapawa chikañcht'ayata, sañani: ESFM “Simón Bolívar”, “Unidad Académica Caranavi”, ESFM “Mcal. Andrés de Santa Cruz y Calahumana”, “Unidad Académica Corpa”,

ESFM “Técnico Humanístico El Alto”, ESFM “Villa Aroma”, ESFM “Santiago de Huata”, ESFM “Warisata”, ESFM “Antonio José de Sucre”, ESFM “Caracollo”, “Unidad Académica Machacamamarca”, “Unidad Académica Pampa Aullagas”, ESFM “Angel Mendoza Justiniano”, “Unidad Académica Corque”, ESFM “Franz Tamayo - Llica”, ESFM “Mcal. Andrés de Santa Cruz, Unidad Académica San Luis de Sacaca”. Ukatxa yaqha jisk'a lala, jisk'a lulu yatiqirinakana qillqawinakapasa chikañcht'ayatarakiwa.

Aka pankaxa kimsa kastaru jaljt'atawa: Chapara arunaka, aymara markanakana sawinakapa ukatxa jamusiñanaka.

Chapara arunakaxa kasta lurawinaka, amuyunaka amuyt'añataki yatichistu. Munasiñanakana, amuyawinakana, chuyma ch'allxtayañanakana ukatxa k'achachawi jakawinakana.

Chapara arunakaxa, aru tuqiwa machaqa amuyunaka, machaqa lurawinaka ukatxa muxsa arunaka p'arxtayi. Yamakisa, wawanakaruxa arunakampi anatt'asa mä suma qamawi yatichi.





## ACTA DE REVISIÓN, TEXTO: "AYMARA SARAWINAKA CH'AMANCHAÑATAKI"

En la sala de reuniones de la oficina de Miraflores de la ciudad de La Paz, siendo a horas catorce y veinte de la tarde del día viernes 28 de junio de 2024; a convocatoria del Coordinador del Instituto de Lengua y Cultura de la Nación Aymara "DHC Felix Layme Pairumani", se realizó el taller de revisión, socialización y validación del texto "Aymara sarawinaka ch'amaññataki, chapara arunaka, sawinaka y jamusiñanaka", para fortalecer la enseñanza de la lengua, cultura de Nación Aymara en las unidades educativas y a la población, rescatando los saberes y conocimientos que existe en las comunidades a la cabeza del Coordinador y los técnicos de La Paz y Oruro del ILCNA.

A partir de los trabajos del Taller Complementario de Lengua Originaria (TCLO), gestión 2023 de los estudiantes en los diferentes ESFM's, se realizó la compilación y recopilación de: Chapara arunaka, sawinaka, jamusiñanaka y su respectiva revisión con el equipo de ILCNA, con el objetivo de fortalecer la enseñanza de la lengua y cultura de Nación Aymara con las siguientes consideraciones:

- Recopilación de poesías.
- Recopilación de pensamientos andinos.
- Recopilación de adivinanzas de nuestra cultura.
- Complementación de imágenes.

De acuerdo a lo mencionado, se justifica que es importante contar con el texto que revitaliza los saberes y conocimientos que existe en nuestros pueblos andinos. El documento será muy útil en la enseñanza y aprendizaje en el Sistema Educativo Plurinacional.

Finalmente, con las sugerencias y argumentos sobre el texto de "Aymara sarawinaka ch'amaññataki, chapara arunaka, sawinaka y jamusiñanaka", se



remite a la coordinación para su consideración en el marco de las normativas que amerita.

Con lo que terminó el taller de revisión, socialización y validación, al pie de este documento firman los presentes.

  
Lic. Juan Carlos Quispe  
TÉCNICO  
INSTITUTO DE LENGUA Y CULTURA  
DE LA NACIÓN AYMARA - ILCNA  
DHC Felix Layme Pairumani

  
Lic. Daniel Manuel Limachi  
TÉCNICO  
INSTITUTO DE LENGUA Y CULTURA  
DE LA NACIÓN AYMARA - ILCNA  
DHC Felix Layme Pairumani

  
Lic. Felix Layme Pairumani  
TÉCNICO  
INSTITUTO DE LENGUA Y CULTURA  
DE LA NACIÓN AYMARA - ILCNA  
DHC Felix Layme Pairumani

  
Lic. Felix Layme Pairumani  
TÉCNICO  
INSTITUTO DE LENGUA Y CULTURA  
DE LA NACIÓN AYMARA - ILCNA  
DHC Felix Layme Pairumani



  
Lic. Felix Layme Pairumani  
TÉCNICO  
INSTITUTO DE LENGUA Y CULTURA  
DE LA NACIÓN AYMARA - ILCNA  
DHC Felix Layme Pairumani

  
Lic. Felix Layme Pairumani  
COORDINADOR  
INSTITUTO DE LENGUA Y CULTURA  
DE LA NACIÓN AYMARA - ILCNA  
DHC Felix Layme Pairumani

Escúchalo y  
entiéndelo  
en **aymara**



# CHAPARA ARUNAKA



Escúchalo y  
entiéndelo en  
**castellano**

## AYMARA ARUSA

Aymara arusa  
qamasani aru,  
junt'u uraqi, thaya uraqi,  
aymara aruta arsusiritanwa.

Aymara arusa,  
yatiñani qhana arusa.  
Tawantinsuyu qullana  
markana arupawa,  
aymara markana amuyupa arsuri.

Aymara aru, munasiri aru,  
aka arusa taypinkywa  
yatiñasasa, lurawisasa,  
aymara aruta arsusiritanwa.

Waranqa waranqa maranakawa  
aymara arusaxa arsusi,  
achachilanakasana amuyupa yatichasa.

Qillqiri: Yatiqiri Jhoselyn Cocarico Maquera, ESFM  
"Santiago de Huata".

## QULLASUYU MARKANA JAQINAKA

Aymara jaqinaka  
Qullasuyu markana jakasirinaka  
walja t'aqhisitanaka warminaka utji,  
nuwjata wawanaka, warminakasa nuwjataraki.

Janchinakapasa usuchjatanaka,  
nayranakasa ch'uxñsutanaka,  
isinakapasa ch'iyjtatanaka,  
wawanakapasa llakita jikxatata.

Qullasuyu markana  
aymara warminakaxa sapxthwa,  
chachanaka sayt'apxama.  
Jani wawanakaru llakisiyapxamti  
Aymara warmi,  
aymara chacha,  
jumasa nayasa  
mä wawakitanwa.

Qillqiri: Yatiqiri Mary Fanny Aro Castillo ESFM "Tecnológico  
y Humanístico El Alto"



## JACH'A CHACHA

Qullasuyu markana chachanaka,  
chiqa chuymampi,  
chiqa amuyumpi  
jumaxa ch'amakana qhant'irıtawa,  
jach'a luratanakama qhanstayta.

Jumana arunakamaxa ch'amañchituwa,  
jumanakana iyawsawinakamana  
ch'amampi sarnaqtha aka Qullasuyu markana.

Qullasuyu chachanaka,  
ch'amamaxa janiwa ñanqhakiti,  
ukampisa ajayumpi, amtawimpi,  
jani axsarasawa jani walt'awinakaru atipjtawa.

Ukatpı jichha urunakanxa,  
arunaka jach'aru aptapxthwa,  
jumaxa wali jach'añchatatawa,  
jani amuyuma mayjt'ayamti.

**Qillqiri:** Yatiqiri Mary Fanny Aro Castillo ESFM “Tecnológico y Humanístico El Alto”

## PACHA MAMA

Pacha Mamaxa wali llakitawa  
munata irpirinaka,  
munata kullakanaka, jilatanaka  
taqini amuyt'asiñäni.

Aka uraqisaxa, wali q'añuchatawa,  
jawiranakasa, qutasa q'añukixiwa  
jamach'inakasa llakitawa,  
uywanakasa usutawa.

Jilatanaka, kullakanaka,  
jichha uruta khaysaru taqini  
uraqisaru q'uma utjayañäni,  
taqinisa suma qamasiñäni.

Yatiqiri masinaka  
waranqa marakipansa  
jani armt'asiñaniti utjawisa  
suma q'umachasiña.

**Qillqiri:** Yatiqiri Elizabeth Quispe Mamani ESFM “Caracollo”

## MUNATA WARMI

Taqi chuymajampi  
nayaxa munsma,  
chuymaja lunthatista,  
jumankiwa lup'inajasa.

Jumampi nayampi  
qamañasa, jakañasa, k'achakiwa,  
t'ijuñasa sarnaqañasa  
kusisiñawa.

Jichhasti jumaxa  
taqi ch'amamampiwa  
takintista, ch'akuntista  
jani nayata sintt'asisa,  
nayaxa qalakisista ukhama.  
Jachayista, tuqisista,  
jani amtasisa  
kuisita  
jakawita.

Qillqiri: Yatiqiri Mary Fanny Aro Castillo ESFM "Tecnológico  
y Humanístico El Alto"

## JISK'A WAWANA AMUYUPA

Nayaxa aymara wawitathwa,  
aka uraqina lup'iwinakasa chhaqtawa uñjasi,  
nayaxa jach'ata arsusiña muntha,  
mä suma jakañataki, jani axsarasa.

Nayaxa suma thakhiki thaqtha,  
mä suma qamasiña Qullasuyu markana  
taqpachani mä wawaki jakasiñani,  
janiwa nuwasiñaxa utjañapakiti.

Nayaru amukt'ayaña jani yanistati,  
nayana arujaxa chiqpacha ch'amaniwa,  
mä suma qamaña muntha  
mä suma jakaña muntha.

Qullasuyu markana  
kusisiñana jakasiña muntha.  
Panqarjama jilaña muntha,  
taqpachani mä wawaki sartasiñani, jani axsart'asa.

Qillqiri: Yatiqiri Mary Fanny Aro Castillo ESFM "Tecnológico  
y Humanístico El Alto"

## **JANI CH'AXWAWINAKA UTJPANTI**

Jiwasana uraqisana wali ch'axwawinaka utji,  
llakisiñanaka, uñisiñanaka  
ukata jiwañaxa jak'ata uñch'ukiskistu,  
ukanakata axsarkañawa.

Uka usuxa lluqurusa usuyiwa,  
t'aqhisiñaxa jaqinakampi chikaskiwa,  
jichha pachana Qullasuyu markana  
munasiñata armasipxiwa.

Janiwa jachañasa, llakisiñasa,  
axsart'añasa utjxañapakiti  
mä machaqa thakhi thaqhañäni  
kusisiña jakañataki.

**Qillqiri:** Yatiqiri Mary Fanny Aro Castillo ESFM  
“Tecnológico y Humanístico El Alto”

## **JANI ASXART'IRI TAWAQU**

Nayaxa wali ch'amani tawaquthwa,  
janiwa kunarusa asxarkthti,  
janiwa khitirusa asxarkthti,  
naya pachpawa arxatasiristha.

Khaya thaya, junt'u uraqitwa juttha,  
kawkhantixa qullunakasa pampanakasa utji  
ajanujasa lupimpi nakhantata.  
Janchijasa thayampi jallumpi mutuyata.

Nayaxa suma manq'anaka manq'astha  
jupha, jawasa, siwara uka achunaka.  
Ukatwa nayaxa wali ch'amani tawaquthxa,  
janiwa kuna ñanqha usunakasa katjkituti.

Khititixa nayaruru chuyma ust'ayaña munixa  
janiwa nayaruxa ust'aykitaspati,  
nayaxa janirakiwa p'inqaskthti  
khawkhattixa jutktha.

**Qillqiri:** Yatiqiri Beatriz Layme Yanarico ESFM  
“Tecnológico y Humanístico El Alto”

## MUNATA MAMAYA

### MUNATA TAYKAJA

Munata taykaja  
jumaxa wali suma chuymanitawa.  
Jisk'allata uñjasista,  
Jach'akama jilsuyista.

Purakamana apnaqistaxa,  
jikhanimana q'ipnaqistaxa,  
ñuñumampi t'akuyistaxa,  
anchapuniwa munasmamaxa.

Munata taykaja,  
paysuma nayaran uywasitamata,  
jakawi churatomata,  
suma llamp'u chuymamampi.

Qillqiri: Yatiqiri Beatriz Layme Yanarico ESFM "Tecnológico  
y Humanístico El Alto"



## MUNATA MAMAYA

Munata mamaya,  
munasiñamaxa jani tukuskiriwa,  
wiñayawa jakañama muniristha,  
wiñayawa jumaru uñjaña muniristha.

Nayaru munasaxa janiwa suma manq'asktati,  
nayaru munasaxa janiwa suma ikktati,  
nayaru munasaxa alwata sartasta,  
munasiñamaxa wiñayatakiwa.

Jichhaxa kunjamsa taqi munasiñamata kutiyama  
munata mamaya, nayawa jichhaxa irpnaqasiskäma,  
nayawa uywasima, ukatxa qullt'asimasa,  
jichhaxa nayaruwa jumataki irnaqaña wakt'itu.

Munata mamaya,  
nayaxa kawkirusa saraxa,  
nayampi khuska irpasima,  
wiñayapuniwa munasima mamaya.

Munata mamaya,  
munasiñamaxa jani tukuskiriwa,  
wiñayawa jakañama muniristha,  
wiñayawa jumaru uñjaña muniristha.

Qillqiri: Yatiqiri Elizabeth Quispe Mamani ESFM  
"Caracollo"



## MUNATA TAYKAJATAKI

Mamaku munasiñamaxa jani tukuskiriwa,  
jakawimaxa tukusirikirakiwa,  
wiñaya jakañama muniristha,  
wiñayawa jumaru uñjirisma.

Manq'ata pist'añansa  
manq'añama churista,  
jakawijaxa jakawimawa,  
chuymajaxa chuymamarakiwa.

Usuta jachktha ukhaxa  
nayampi chikarakiwa jachtha,  
llakisitajaxa llakisiñamawa,  
jachatajaxa jachañamarakiwa.

**Qillqiri:** Yatiqiri Beatriz Hinojosa Condori ukatxa Alicia  
Quispe Hinojosa ESFM "Caracollo"

## AWKIJA

Tataku suyasipksmawa  
uksana aksana sarnaqiri  
jani ch'ama tukuri,  
taqinirusa p'arxtayasa.

Tataku qala janchini,  
walinsa jani walinsa jakiri,  
wali munata awki,  
qañawa aku akusiri.

Janq'u sunkhani tataku,  
siwara akumpi phirisiri  
wali ch'ullqhi janchini,  
tataku suyasipksmawa.

**Qillqiri:** Yatiqiri Ronaldo Nina Kapageña, ESFM  
"Caracollo" tuqita.



## MUNATA TATAKU



## JANI PACHA MAMARU ÑANQHACHXAÑÑANITI

Jani Pacha Mamaru  
ñanqhachjaññaniti, jupawa  
umaña, manq'aña churistu,  
jupawa q'uma samana churistu.

Jani Pacha Mamaru  
jachayxaññaniti,  
jilata kullaka  
amuyt'asjäñaniya.

Kunaratkamasa Pacha Mamaru  
ñanqhachaññani, kunarskamasa  
q'añunaka williskakiññani,  
jani amuyt'asisa jani lup'isa.

Khaya alaxpacha uñtamchhä  
ch'iyara jiwq'ikiwa jiq'iski  
khaya jawira uñtamchhä  
q'añu umakiwa jalaski.

Qillqiri: Yatiqiri Marializ Apaza Limachi, Hector Yujra  
Condori, ESFM  
"Santiago de Huata"

## MUNATA MAMITAJA

Munata mamitaja  
munasiñamakiwa jichha urukama jakayaskistu,  
muñasiñamaxa taqi kunata sipansa chiqawa,  
munasiñamaxa jani tukuskiri wiñayatakiwa.

Munata mamitaja,  
jichhaxa kunjamsa taqi munasiñama kutiyäma,  
inasa thayaru uñtata jalakipawaychispa.

Munata mamitaja,  
chuymanixäta ukhaxa nayawa irpnaqasiskäma,  
usuntäta ukhaxa nayawa qullayäma,  
jichhaxa nayarua irnaqaña wakt'itu.

Munata mamitaja,  
chuymawa ch'allxtitu,  
jachaña jachañawa puritu,  
jach'a munasiñamaxa lup'isa.

Qillqiri: Yatiqiri José Luis Chambi Apaza, ESFM  
"Calahumana"

## KHITHIRAKI JUCHANIPACHA

Markajana q'uchupa  
jach'a Tawantinsuyu uraqi,  
chachanakana qamawipa,  
achachilanaka, Pacha Mama, willka tata.

Jumanakakiwa yatipxtaxa,  
kunjamasa, aka 500 maraxa jakpachatanxa.  
Khitiraki akhamaru tukusiñataki juchanipacha,  
jayata purinita janq'u tunti jaqinaka.

Utanakani, uraqinakani, uywanakani,  
yänakani jiwasanakasti, utaniktansa, uraqiniktansa,  
uywaniktansa, yänakaniktansa,  
jani kunani uñjastanxa.

Amuyt'awinakasasti chhaqhata,  
lup'iwinakasasti jani wakiskiri.  
Qillqawinakasasti q'ala t'unjata,  
luräwinakasasti pachparu sayt'ata.

Qillqiri: Yatiqiri José Luis Chambi Apaza, ESFM  
"Calahumana"

## AYMARA MARKANA YATIWINAKAPA SARAWINAKAPA



## AYMARA KANKAÑA

Ch'ullqhi ch'amani kimsa tunka marani jaqithwa, suni  
aläxa pampa patxana uñjatathwa,  
q'ixu q'ixumpi llipt'anipampi ch'amani tata,  
Apu willka 'sansana' usuntayatathwa.

Titi Qaqa Quta, tullqu jañchija atipt'ayaña,  
ch'uwa llaphi uma k'iluñajampi llawuntata,  
Thaya khunumpi chhullunkhayampi ñuñt'ayata  
llamp'u q'uma k'iluñajasti qullu patxankänawa.

Qullunakawa tullqu jañchija ch'ullqhiptaychitu  
markajasti ch'ila jaqiña uñañcht'ayitu,  
arumanthisti k'uchisiña, ukata jayp'urusti llakisiña.

Ajanujawa mayja atipani, ukata musparapxani, tullqu  
qhana chiqapa jaqiwa uñstanini,  
taqpachani aski aymara, ukata wali unt'apxani.

**Qillqiri:** Yatiqiri Dante Nava, ESFM  
"Mcal. Andrés de Santa Cruz y Calahumana"

## AYMARA TAWUQUNAKA

Walja saminakani manqhanchani  
ukata jach'a uñnaqapampi.  
Tawuqunaka aka Ichuqa markajana,  
ch'amampi ch'amampi sarnaqapxi.

Jupanakaxa irnaqiri warminakawa,  
ch'axwañana ukhamaraki munasiri warminakawa.  
Aymara sarawi chuymanakaparu apt'asa,  
aka ch'ankha saminakampi sawusa.

Ukhamaraki suma samkanakapa sawupxi, jupanakaxa  
sarawinaka uñjirinakapxiwa,  
jach'a chuymampi jark'aqasipxi,  
aka jach'a Ichuqa markana.

**Qillqiri:** Yatiqiri Janeth M. Mamani Aruquipa, ESFM  
"Mcal. Andrés de Santa Cruz y Calahumana"

## ICHUQA MARKAJARU MUNTHWA

Nayaxa Ichuqa markana yuritathwa,  
jach'a qullunakampi muyuntata.  
Qhana larama alaxpacha,  
willkaxa markajaruwa munasi.

Q'uma thayampi, ukata  
sapa kutiwa kuisita jaltayätha,  
jawira thakinakana sarnaqasa,  
ukhamawa markajana jakasiritha.

Laq'ata lurata uywanakampi anatt'añampi, qullunakana  
uywanaka uywasisa jakayätha. Ukhamatwa  
jilanakajampixa uka kusisiña jikxattha,  
wawatpacha amuyunakaxa phuqt'atayäthwa.

**Qillqiri:** Yatiqiri Janeth M. Mamani Aruquipa, ESFM  
"Mcal. Andrés de Santa Cruz y Calahumana"

**SAPA LLUQALLA AYMARA WAWATHWA**

Tatayitu, tatayitu  
kamisaraki sapaki jaytistha,  
mamayita, mamayita  
kamisaraki sapaki jaytistha.  
Sapa uru jachañakiwa jutitu sapakiwa uñjastha.

Janisa khitisa amtaskitutixa, janirakisa  
jani manq'ata uñjastha,  
jani isini uñjastha,  
kamisaraki ukhamaki jaytistha.

Sapa uru jacht'asisa sarnaqasktha  
thayasa, juyphisa,  
lupisa, jallusa, irpasitu.  
Ukhama sapa lluqalla aymara wawathwa

¡Amtasitaya, suma quli tatayitu, mamayita!

**Qillqiri:** Yatiqiri Rodolfo Quispe Vargas, ESFM  
"Mcal. Andrés de Santa Cruz y Calahumana"



## WANQULLU WARMITHWA

Nayawa, warmi kankataja unt'astha  
nayaraki chacha, nayaraki warmi,  
kawkhansa wali sayt'astha.

Nayankituwa thayansa, lupinsa,  
kuna lurañanakasa  
nayankituwa janiwa jayraskti.

Lupinsa thayansa qamasiri  
jichuthwaurywanakampi.  
Janiwa kunsaxsarkthti.

Wanqullu aymara warmithwa.  
Jayrakiwa lupirusa, thayarusa axsarixa,  
jayrakiwa manq'atsa jiwixa.

¡Jallalla taqi warminaka!

Qillqiri: Yatiqiri Paulina Choque Coriza, ESFM  
"Simón Bolívar"

## QULLASUYU MARKA

Kunasa kunasa ist'asi  
jilanaka, kullakanaka,  
uñtapxama uñtapxama,  
aymara jilanasawa.

Pututunaka pututt'asa,  
paqallqu samini  
wiphalasa wiphalt'asisa,  
qinaya taypita uñstanipxi  
wali arnaqt'asisa.

Ist'apxama suma ist'apxama,  
tantachasiñawa wakt'istu  
mallku awkinaka, mallku taykanaka  
taqpacha wila masinaka.

Qullasuyu markawa  
jani walt'añana jikxatasi,  
ch'axwasipktanwa Pacha Mamaru.

Aka Qullasuyu uraqina jakiri aymaranakasti  
wali qamasani ch'ikhi jaqinakapxtanwa.  
Aymaranakaxa maynita maynitkama  
purapata yanapt'asiritanwa.



Jilanaka kullakanaka  
aymaranakaxa taqikunansa  
wali phuqt'atatanwa.

Chapart'iri: Yatiqiri Jhenifer Mamani Quenta, ESFM  
"Simón Bolívar"



## **MARKACHIRINAKA**

Munata markachirinaka.  
Pututunaka pututipxañäni,  
phusanaka phusapxañäni,  
tantachawi yatiyañataki.

Munata markachirinaka,  
aruskipañani aski amuyumpi  
suma amtawinaka wakichañäni,  
mä wawaki sartasiñäni.

Munata markachirinaka  
uñisiñaxa tukuspana,  
jayrasiñaxa tukuspana,  
lunthatasiñasa tukuspana.

Munata markachirinaka  
irnaqapxañäni khuyapt'ayasa.  
Aruskipañani nayraru sarantañataki.

Qillqiri: Yatiqiri Jhenifer Mamani Quenta, ESFM  
"Simón Bolívar"

## JANI WARMINAKARU T'AQHISIYAPXAMTI

Wila masinaka amuyasipxañäni,  
warminakaxa panqararu uñtatawa,  
warminakawa uta chhijnuqapxi,  
warminakawa wawanakaru uñjapxi.  
warminakawa manq'a wakichapxi.

Kunataraki jilata wali phiñasta,  
warminakaru kunatsa uñista.  
Kunatsa warminakaru t'aqhisiyapta  
chachanaka janiti taykanipkta.

Janiti phuchhanipkta,  
janiti kullakanikpta,  
janiti warmimaki,  
pisi amuyuni chacha amuyasxamaya.

Warmiwa waranqaxa,  
warmiwa chachjama uñt'aytama,  
warmiwa mamamaru uñt'ata uywastama.  
pisi amuyuni chacha amuyasxamaya,  
warmipanwa wawanitansa.

Wila masinaka amuyasipxañäni,  
suma muxsa arunaka arxayäma,  
sapa uru munasima  
warminakawa waranqaxa  
panqararu uñtata.  
K'achacht'añäni warmininakaru.

Qillqiri: Yatiqiri Jhenifer Mamani Quenta, ESFM  
"Simon Bolivar"



## **WIPHALA**

Wiphalita, wiphalita  
nayaxa jumaru wali munasma  
wiphalita.

Jumatjama  
munata wiphalita  
jiwatawa uñjasirista.

Nayra achachilanasasa  
jumatjama munata wiphalita,  
wilapampiwa sayt'asiwayapxatayna.

¡Jallalla, munata wiphalita!

**Chapart'irinaka:** Yatiqirinaka Esteban Monje, Heidy N.  
Quenta, U.A. "Caranavi"

## **CH'AMANI WARMI**

Uñtatamasa ninjamawa  
wara wararu uñtata lart'astaxa.  
Jach'a ñik'utamaxa,  
suma aski ch'ullqhi pichikani,  
qamasani warmitawa.

Khuyapayasiri amparanitawa,  
willjtata jayp'ukama irnaqt'iri,  
ajayunsa ch'ullqhita,  
jani khithiru asxart'iri warmitawa.

**Chapart'iri:** Yatiqiri Esteban Monje, U.A. "Caranavi"

## AMUYUSA TURKAKIPAÑÄNI

Aka uraqi jakawi jani q'añuchañäniti  
quqanaksa jani tukjamti,  
t'unanaksa jani kawkirusa willtamti,  
samanasaya q'umachañäni.

Aka uraqi ñanqhachawixa  
jaqinakana juchapawa,  
amuyt'asipxmaya jilanaka, kullakanaka,  
amuyusa turkakipañäni.

Ist'apxamaya markachirinaka  
aka uraqina arnaqasitapa,  
jani t'unanaka kawkirusa wartamti,  
mä amtampi, mä amuyumpi utjawisa q'umachañäni.

¡Amuyusa turkakipapxañäni!

Qillqiri: Yatichiri Dionisio Mamani Limachi

## MAMAYA

Yatistawa mamayita  
qawqhtixa munsma uka,  
waranqa kutiwa sisma  
mä jamp'att'awimpi.

Jichha uruxa urumawa,  
ukatwa saña munsma,  
wali munasma mamayita  
akata alaxpachkama.

Mä suma panqara  
jumataki mamayita,  
sapa uruwa yatiwinakama  
munasiña arumampi arxayista.

Kusisiñajansa, llakisiñajansa  
janiwa amparata antut'kistati.  
Mä jach'a qhanjamawa  
nayataki qhantaxa.

Qillqiri, chapart'iri: Yatiqiri Helen Anamar Mamani  
Corimayta

## YATIÑA UTANA JANI ÑANQHACHASIÑA

Ñanqhachasiñaxa janiwa walikiti,  
yaqhipaxa janiwa amuyapkiti.  
Ukatwa jumaru sisma  
yanapt'asiri masijañamataki.

Jani ñanqhachasiwixa  
yatiña utana utjpanti,  
jani masimaru jisk'achamti,  
jumatakixa alaxpacha Awkita mayisktha.

Suma masiyätaxa  
walja masinakaniyätawa.  
Munasiñampiwa arxayt'apxätama,  
uka jumaru sisma.

¡Jallalla yatiqiri masinaka!

Qillqiri, chapart'iri: Yatiqiri Helen Anamar Mamani

## QULLASUYU MARKA

Aymaranakana markapa,  
wawanakapaxa aruntanipxsmawa.  
Willka tata, phaxsi mama,  
wara waranaka.

Chuymaja qhanatatayistawa  
Tupak Katari, Bartolina Sisa.  
Ch'amamaya churapxita  
Qullasuyu markaru qhispiyañataki,  
Pacha Mama jani jachxamti.

Qillqiri: Jani yatisiti  
Chapart'iri: Yatiqiri Melany Génesis Calle Gómez

## PACHA MAMA

Pacha Mama p'iqinitawa  
Pacha Mama chuymanitawa  
Pacha Mama purakanitawa  
Pacha Mama lakanitawa.

Pacha Mama aruntsmawa  
jisk'a wawanakaru,  
yanapt'apxita suma  
ullaña qillqaña  
yatiqañataki.

Ukanaka mayipxsma  
¡mira suma!  
Ist'apxitaya,  
suma Pacha Mama,  
suma jaqña munapxtha.  
¡Jallalla Pacha Mama!...

Qillqiri, Yatichiri: Vicente Mamani Magne  
Chapart'iri, Yatiqiri: Zuly Yanira Mamani Mamani

## CH'ULLQHI LLUQALLA

Mollebamba markankiri ch'ullqhi llugallitüthwa,  
uwijampi anatasiri yatitarakithwa.  
Punchitujasa, ch'ullitujasa  
thayampi, juyphimpi nuwasiri.

Wiskhitujasa lumansa pampansa  
uksaru aksaru t'ijnaqayiri,  
jilata kullaka jichha urunxa  
sallqantistuwa lunthata k'ari k'usillunakaxa.

Machantasipxana kustumbriwa sasa,

Tatituru yupaychapxama  
araxpacharu sarxapxata sasa,  
ist'apxita yatiqiri masinaka

Laxrasata arsusiñäni  
pachapa amuyusampi,  
janipuni armasiniñäni  
nayraru sarantañäni.

Chapart'iri: Yatiqiri Luis Mollo Mamani



## KANTUTA PANQARA

Kantuta suma panqara,  
uraqima suma lantichiritawa,  
jumaxa naya jak'anktawa akapachana,  
juma nayampi sinti kuisitatanwa.

Jumaxa nayratpacha  
nānakata sayxatasiña yatirakta,  
nānakaru wali kusisiyiri t'ikhatawa,  
nayra, jichha aymara jaqinakaru.

Qillqiri, chapart'iri: Yatiqiri Jose Luis Calle Villca

## KATARI MARKA

Yarakina yatiqiri  
imilla wawathwa,  
nayaxa taqikuna  
uñacht'ayiri jutawaytha.

Aka Ch'uxña quta markaru  
Inka kantiyata  
qarqata mayt'asisa,  
Inka titi chullpata  
qunqurt'asisa.

Yaraki marka  
wali munañani markawa,  
paya inka utanakata  
mayt'asisapuniwa.

¡Jallalla Yaraki marka!

Qillqiri: Jani yatisiti.  
Chapart'iri, Yatiqiri: Nelly Mariela Calle Apaza

## **PACHA MAMA**

Pacha Mama uywiri uraqi,  
jumawa jakaña churapxista  
jaqiru, uywaru, taqiniru  
jarphimaru uywasipxista.

Pacha Mama uywiri uraqi,  
jumipana thurusa sayt'asthxa,  
jumipana manq'atasa umatasa jakasipxtha,  
muspharkañawa jakawimaxa.

**Qillqiri:** Jani yatisiti  
**Chapart'iri:** Yatiqiri Jhoel Quispe Mamani

## **SAN PEDRO SUMA MUNATA MARKA**

**Qillqiri:** Yatichiri Gumercendo Coria Canaza  
**Chapart'iri:** Yatiqiri: Rosalia Mollo Calle

San Pedro suma munata,  
Pukara qullu quri wak'u  
jumakiwa uywasipxista,  
akapachana munañamampi

Uywanakampi, yapunakampi  
ukha suma tiwtiri qarwanakampi,  
ukhamaraki suma uwijanakampi,  
suma muxsa millk'i churapxitu.

Suma achunaka puquyañataki  
ch'uqi, jupha, qañawa,  
uywanakasa suma lik'inakawa  
chicharunampi, kuli ch'uqimpi wali sumawa.

Ukatwa, jiwasanakaxa  
suma ch'ullqhi imilla wawanakatanxa,  
suma ch'ullqhi imilla wawa  
ukatpi, chijchhiru, thayaru, lupiru ch'ullqhisiritanxa.

## **WILLKA TATA**

Willka tata jumakiwa  
sapa uru churapxista,  
uka junt'u lupimampi alaxpacha patata  
taqi mayniru aka uraqina irnaqirinakaru.

Lupimampi junt'uchapxista  
aka uraqina qamasirinakaru,  
taqi mayniwa jallallt'apxsma  
aka uraqina qamirinaka.

Achunaka puquyta  
junt'u lupimpi,  
thayansa, jallunsa, khununsa  
k'ajt'asintawa taqpachaniru.

Aka uraqina yaqhipa jaqinakaxa  
janiwa kunatsa amtaskiti,  
ukatwa tata willkaxa  
jani walinaka churapxistu.

Jaya achachilanakaxa  
suma amtasir̃nwa, taqimana warust'awinakampi,  
phunchhawinakampi, wartawinakampi,  
qullu apachita patanakana.

Pututunakampi, phusart'awinakampi  
mä jach'a phuñchhawinakampi,  
lurapxäna, aka uraqina  
suma achunaka puquñapataki.

Qullunsa, pampansa, jawiransa  
tata willkawa aka sarnaqawi churapxistu  
taqinama markanakaru,  
jani uñisisa, jani nuwasisa uywasipxista.

Ukhama taqinama irnaqasirinakaru,  
jiwasa markasana mayaki  
sartasiñataki suma yanapt'asisa,  
suma munasisa, taqi masinakampi qamasiñataki.

**Qillqiri, chapart'iri:** Yatiqiri Wendy Condo Soto

## ¿KUNATSA?

¿Kunatsa  
akhama llakisiñapacha nayatakixa?  
Awkijasa, taykajasa,  
¿Kawkinkarakpacha?

¿Kunatsa  
Pacha Mamaxa ancha laqathiyaraki?  
Kunakisa jani walixi  
Uywanakasa t'aqhita jiwarata  
¿Kunasa kamachani?

¿Kunatsa  
Pacha Mamaxa achunaksa  
jani suma puquyxpacha?  
Utaxa ch'usaki  
¿Kunsa manqasiñäni?

¿Kunatsa  
jani yatiña utaruxa khithapxpachitu?  
Ullaña, qillqaña yatiristha  
nayapuniwa jilanakajaru irpiristha.

¿Kunatsa...

akhama jiwaskama uñisiña utjpacha?  
Kunapacharaki mayakixañäni,  
mä jilataki, mä kullakaki,  
Qullasuyu jach'a markaslayku.

Qillqiri, chapart'iri: Yatiqiri Ariel Mamani



## AYMARA YUQALLA

Aymara yuqallathwa,  
phara qulluna qamasiri ch'ullqhi yuqallathwa,  
Pukara lumata k'ajirithwa  
wali ch'ullqhi yuqallathwa.

Lumana, pampana,  
thayansa, lupinsa  
sarnaqiri jichurakithwa,  
wiskha k'anasisa, q'urawa k'anasisa.

Janiwa aymara aru arsuña axsarkthti,  
aymara markana qamasiri yuqallathwa.  
Janiwa khithirusa axsarkthti,  
suma ch'ullqhi yuqallathwa.

Lumana ikiri, pampana ikiri jichurakithwa  
ch'uñu phuthi mirintani,  
luk'i qhathi mirintani,  
taqi uka manq'asiri jichurakithwa.

Willka tata, suma awki  
Phaxsi mama, suma tayka,  
qulluna, pampana qhaniri.

Ist'apxita, ist'apxita,  
Tupak Katari, Bartolina Sisa  
allchhipathwa janiwa kunarusa axsarkthti  
Qullasuyu markana qamasiri yuqallathwa

Qukxara jach'a qulluta  
Ch'uxña Quta markana uñtastha  
wali suma marka,  
nayaxa Ch'uxña Quta markana yatiqiri yuqallathwa.

Qillqiri, chapart'iri, Yatiqiri: Elmer Calle Mamani

## WARTULINA AWICHA

Wartulina awicha  
aruma uruwa amtasipxma,  
Qullasuyu markana taykapa  
taqi munasiñani awichätawa.

Allchhi wawanakamaxa  
wilamata wilanipxthwa,  
lup'iwimata amuyunipxthwa,  
sarnaqawimata sarnaqawinipxthwa.

Jachañasa purinpana,  
llakisiñasa jak'achasinpana  
janipiniwa axsarkäti,  
Qullasuyu markatxa arsuskakiwa.

Qullasuyu markankirithwa,  
aymara aruta arunithwa,  
aymara wilata wilanithwa,  
ch'ullqhi jaqipinithwa.

Tupak Katari  
achachilata jutirithwa,  
ñanqha q'aranakarusä  
wali jiwtaaykirithwa.

Ch'ullqhi imillathwa,  
thuru yuqallathwa,  
lupimpisa, thayampisa,  
wali khirkht'askakirithwa.

Qillqiri: Jani yatita  
Chapart'iri: Yatiqiri Ada María Godoy Z.





## SAWT'IRI, QAPT'IRI IMILLITATHWA

Qapt'iri, sawt'iri imillitathwa,  
qullunsa, pampansa, sawt'irithwa.  
Uwijsa, qawrasa, qapt'asisa awatirithwa,  
thayansa, lupinsa sawt'irithwa.

Sawt'iri qapt'iri imillitathwa,  
ukatwa jichhaxa uñacht'ayapxäma  
sawuñataki wakiskiri yänaka  
sawuta wali suma mistuñapataki.

Qapu, ch'ankha, k'anhi qapu, sawu lawanaka,  
tuquru, illawa lawa wich'kata, wich'uña, ch'akura  
taqi ukanakawa munasi sawu sawuñataki.

Nayraqataxa iwijata, qarwata t'arwa yawiraña,  
ukata qapu tisiru qapusa jayichaña  
ukata khiwsusa janira tukuyasa t'axsuña,  
ukata kunaymana saminakampi samichaña.

Ukatwa jichhaxa uñacht'ayapxäma,  
kunanaksa sawsnaxa,  
sawuraksnawa phullu,  
awayu, tari, ch'uspa juk'ampinaka.

Jichhaxa kunjamasa sawuxa qalltaña  
uka uñacht'ayapxäma,  
nayraqata pusi ch'akhuri ch'akt'aña,  
ukata sawu lawanaka wiskhampi chint'aña.

Ukatxa tilt'asa illawaña,  
ukatwa jichhaxa saltanaka uñacht'ayapxäma,  
p'uyu, wara wara, panqara,  
chakana, juk'ampinakawa utjixa.

Jichhaxa sawuña pacha uñacht'ayapxäma,  
sawuxa ch'uxña pachanakawa sawt'añaxa,  
nayaxa thayansa, lupinsa,  
qullunsa, pampansa sawt'irithwa.

¡Jallalla aymara marka!  
¡Jallalla aymara aru!

Qillqiri, chapart'iri: Yatiqiri Lizbeth Karina Renfijo Mamani

## QULLASUYU APU MARKA

Nayra Qullasuyu Apu marka,  
jumaruwa amtasma,  
chuymajaxa phallaña munitu,  
mallq'asa wañkatituwa  
waña jachakiwa jutitu.


Kawkinkaraki tawantinsuyu Inti uraqisti,  
kawkinkaraki awki inkanakasti,  
kawkinkaraki quristi qullqisti,  
kawkinkaraki ch'amasasti,  
kawkinkaraki ajayusasti.

Kunasa juchäpachanxa  
akhamaru tukuñatakixa.  
¿Khithiraki qullana arunaka  
katuski?

Khithiraki jichhasti  
markansti apnaqaski,  
Pacha Mama ancha munasiri,  
tayka ancha munasiñamampiwa uywasipxista.

Uka qullasuyutxa amtaskapxthwa,  
munasiskapxthwa  
quri, qullqi  
taqi jiwasataki utjañapataki.

Qillqiri, chapart'iri: Yatiqiri Cilda Mollo Mollo



## CHUymAJARUKI AMUYATAMA

Qawqhsa munsma  
jani uka jiskht'istati,  
nayarakiwa jani yatkti,  
chuymajaruki amuyama.

Jupawa jumatuqi irpanuqi,  
jupawa nuwaña uñacht'ayitu,  
jupawa jumaru yäqaña yatichitu,  
chuymajaruki amuyama.

Lup'iwijampisa armt'irismawa,  
arujampisa t'unjirismawa,  
uñaqajampisa llakisiyirismawa  
chuymajaruki amuyama.

Jupampiwa munsma,  
jupampiwa q'ayachsma,  
jupampiwa qhumantsma,  
chuymajaruki amuyama.

Jani tupkañwa munsma  
jani armkañwa munsma,  
jani jakt'kañwa munsma,  
chuymajaruki amuyama.

Jani walt'awinakawa jakawina utjitu,  
jaqimpi tuqisiñanakawa wakt'itu,  
mayja mayja arxayiririsma,  
chuymajaruki amuyama.

Qillqiri, chapart'iri: Yatiqiri Rodo Calle Apaza

## QULLASUYU APU MARKA

Pacha Mama sinti jach'ätawa,  
jach'a pampanakani,  
jach'a qullunakani,  
jach'a jawiranakakani.

Tata willkampi  
chikawa sartasipxtanxa,  
uywampi, yapumpi chikawa.  
Pacha Mama patana  
sarnaqasiri jichurakitanwa.

Jallunsa chhijchinsa,  
thayansa, laq'a ch'amakansa  
wali ch'ullqhi jaqinakatanwa,  
taqpacha jiwasa aymaranakaxa.

Pacha Mama jichha urunakasti  
jani wali lurawinaka apnaqapxarakatanwa,  
taqi maynisa juparjama amtasawa sarnaqapxi  
aka jach'a aymara markanxa.

Iripiri mallkunakasti amtapxarakiwa  
taqi jiwasa amuyt'asiñasataki,  
nayra pacha lurawinakaru purxañataki,  
alaxpacha, akapacha, manqha pacha.

Yanapt'apxitaya suma lurañanaka utjañapataki,  
jani llakisiña utjañapataki aka Pacha Mama patana  
ukhamaraki, nayra inka achachilanakasana  
lurawiparu purxañataki.

Jani jayrasiñampi,  
jani k'arisiñampi,  
jani lunthatasiñampi,  
jichha urunakasti janiwa ukhamaxiti.

Qillqiri, chapart'iri: Yatiqiri Adelaida Mamani Calle

## **Q'APHA KULLAKATHWA**

Mamani  
Munata kullaka  
munata jilata  
pachaparu sarnaqasiri.

Kullukachi markana jakasiri  
jach'a jisk'a uywanaka uywachiri,  
jumatjamaxa jisk'a wank'usa  
umata, manq'atsa jiwaspawa.

Pacha Mama, achachila,  
willka tata, phaxsi mama  
yanapt'apxakitaya.

Q'apha sarnaqaña jakawina,  
uywa uywachasiña jakawina,  
yapu yapuchasiña jakawina,  
q'apha kullakathwa.

¡Jallalla Kullukachi ayllu!  
¡Jallalla Qullasuyu marka!

Qillqiri, chapart'iri: Yatiqiri Daniela Lucia Ticona

## MUNATA PANQARA

Suma munata panqarita,  
taqi jaqinsa wali munata,  
jumawa pampansa, qullunsa,  
suni, junt'u, qhirwansa  
taqiniru k'uchirt'ayta.

Llamp'u chuymamampi  
taqiniru p'arjtayapxista,  
suma panqarita.

Panti panti panqarita  
sutimaxa wali munatapuniwa  
munata panqarita.

Qillqiri, chapart'iri: Yatiqiri Aracely Ticona Ch.

## YATIÑANI CH'IKHI IMILLA WAWATHWA

¡Kunasa kamachi markajana!  
¡Llakisiña jachañawa jutitu!  
Illa Mama awicha Illa Apu achachila.

Amuyunaka apayanita  
aka marka suma apxaruñataki,  
kuna llakisiñasa jutpana,  
kawki llakisiñasa jutpana. Yatiqiri masinaka  
jiwasaxa nayraru sarantaskakiñäni.

Ullaña qillqaña yatintasa  
ch'ikhi amuyunaka p'arjtayasa  
janchi tuqisa ch'amañchasa  
wali k'umara jakasiñataki.  
¿khithithsa nayaxa?  
Jach'a mallkuna phuchhapathwa  
yatiñani ch'ikhi imilla wawathwa.

Qillqiri, chapart'iri: Yatiqiri Nelly Machicado T.

## ASKI JAKAWISA

Nayana utajanxa  
jiwa wank'unakakiwa utjitu,  
achunakajasa wali sumawa  
Pacha Mama jarhipana.

Qullusa pampasa ch'uxñawa  
Wank'unakasa k'uchikiwa utjasipxi,  
uma chhuxlla manq'asisina,  
ukawa wali aski jakawisaxa.

Awkijasa taykajasa, jilanakajasa  
aski chuymampiya munasipxitu  
jisk'a allqa wank'unakajasa,  
panqararu uñtatawa k'ajapxi  
taqiniru k'uchisiyaraki.

Qillqiri, chapart'iri: Yatiqiri Regina Mamani Mamani

## ¿KHITHISA TUKJASKISTU?

Qullasuyu markanakasana,  
umasa, samanasa, q'añuchjatakixiwa.  
Khunu qullunakasa k'achhata,  
k'achhtawa chullurpaykapxi.

Nayasa uñisitakiwa uñjasxtha,  
kullakanakarusana ñanqhachxapxakiwa.  
Usunaksa uñstayapxi  
jaqinakana jiwapaxañapataki.

¿Khithiraki tukjasipkistu?  
Arsurinakarusana jiwayapxiwa,  
jakañasa jiwañasa pachpakixiwa.  
Amuyt'asxapxañani jila kullakanaka.

Qillqt'iri: Yatiqiri Dionisio Mamani Limachi  
Chapart'iri: Yatiqiri Helen A. Mamani C.

Escúchalo y  
entiéndelo  
en **aymara**



## SAWINAKA



Escúchalo y  
entiéndelo en  
**castellano**

### MARKASANA SAWINAKAPA

Sawinakaxa, markanakasana mä kamachiru uñtatawa. Ukatwa nayra achachilanakasaxa askirjama qamasiñatakixa sawinaka taypita iwxt'apxirina. Sawinakaxa mä suma amuyuwa markachirinaka taypina ukatxa utjawinakasa taypina ukata qhipa uruna jani pantjasiwixa utjañapatakiwa.

Sawinakaxa, jaqixa kunjamsa Pacha Mamampi ukatxa pacha yatiyawinakampi qamasi aka jakawi pachana ukwa amuyayistu. Ukakipkarakiwa, markachirinakana amuyupa p'arxtayañatakiwa ukhamata mä qhipa uruna jani panthasiwinakaxa utjañapataki.

Aka qhipa maranakanxa, wakisiwa amthapt'aña, ukhamata jakawisana, markanakasana yatipxañasataki. Aka jakawi tuqinxu kasta yatichawinakawa utjaski, jiwasana amuyasiñasataki.

“Jani yatisaxa janiwa kunasa arsuñati, jani yatkasaxa amukiskañawa”.

Janiwa arsuñasakiti jani suma yatisa, jani ukasti yaqha jaqinakarü ukhamaraki wila masinakarü ch'axwañanaka chursna. Aka sawixa amuyayistuwa wali suma, ukhamaraki chiqpacha thakhina sarnaqañataki.

**“Janiwa jach'a jach'a tukuñakiti, llamp'u chuymaniñawa askixa”.**

Aka sawixa yatichistuwa: jani yatiñani, yatiñani tukuña. Kunatixa qhipa urunakanxa pantjasiwinakasa utjakispawa. Jichha pachanakanxa tawaqunaka, waynanakaxa yatiñani yatiñanikiwa tukupxi, jani nayra sarawinakasa yatisa.



**“Khithitixa lakaniki pantjasiwa, siwa”.**

Aka jakawinx a taqiniwa laka tuqi arsusa pantjasiri, ukatwa wakisi nayra, qhipha uñtasa arsuña. Janiwa jank’aki jani suma yatisaxa arsuñati.

**“Qhipata amtasiña sipansa, jani walt’awinakata jark’aqasiñawa askixa”.**

Aka sawixa jani qhipata amtasiskañataki yatichistu, jani walt’añanakaxa janiwa jank’aki arsuñakiti wali amuyt’asisawa arsuña, jani qhiparu amtasiskañataki.

**“Janiwa k’ari arunakaxa ist’añati, katuqañasa, arusiskpana sañawa”.**

Aka sawixa yatichistuwa: jani yäqaña jaqina k’ari arunakapa, jani iyawsaña, kunatixa jupanakaxa jani walt’awitakiwa jani amuyañanaka utjayaspa.

**“Qhipa nayra uñtasawa sarnaqaña”.**

Aka sawixa sarawinakasa uñtasa sarxaruña yatichistu. Nayra achachilanakasana iwxt’awinakaparjama amuyt’asiña. Qhipa nayra uñtasapuniwa kawkirusa sartaña jani ukaxa llakiruwa purisma, sapxiriwa.

**“Janiwa thithita chuymampixa kunasa amtañakiti, kunasa janiwa walt’irikiti, siwa”.**

Kunaymana lurawinakanxa, janiwa thithita kunasa amtañati. Uka lurawinakaxa janiwa askirjama mistkaspasi. Ukatwa amtawinakaxa llamp’u chuymampipi phuqhaña.

**“Juyra achuxa janiwa wartañakiti, ukatawa mach’amarasa jutiri, siwa”.**

Nayra sarnaqawinx a achachilanakaxa sapxanwa: janiwa juyra achunakxa inaki wartañakiti, ukatwa jani wali mach’a maranakasa jutiri. Kunawsatixa juyranaka inaruki

wartktanxa ukhaxa uka achunakaxa wali jachapxi, uka jachayatata jutiri maranakanxa janiwa achuña munxapxiriti, ukatwa mach’a maranakaxa utji.

**“Janiwa jaqirusti k’umiñamakiti qhipa urusti wawamaxa ukhamarakispawa”.**

Aka sawixa yatichistuwa: Jani jaqi masisaru unch’ukiña, kumjamasaxa sarnaqi, kunjamsa ist’asi, kunatixa qhipa uruxa jiwaxana wawanakasaxa ukhamarurakiwa purispa. Ukatwa markanakasana, utjawisana jani k’umiñaxa wakiskiti.

**“Jani wali sarnaqirixa, jani wali tukuyi”.**

Aka jakawi pachanxa, jani wali sarnaqiri, jani wali amuyuni jaqixa jani walirukipuniwa purispa. Ukatwa wakisi llamp’u chuymampi, suma amtampi sarnaqasiña.

**“Alwata sarnaqiri jaqixa taqi kunaniwa”.**

Aka sawixa alwata sarnaqasiña yatichistu, taqi kuna lurañataki ukhamaraki taqi kuna jiqxatasiñatakixa willjtatapuniwa sartasiñaxa wakisi. Ukhamata kunaymani lurawinaka pachaparjama tukuñataki.

**“Janiwa jach’a jach’a tukuñakiti, kunasa tukusirikiwa siwa”.**

Jiwasaruxa aka sawixa jani jach’a jach’a tukuña yatichistu, kunatixa aka jakawinx a taqi kunasa tukusiriwa. Jiwasaxa wali llamp’u chuymampipuniwa sarnaqasiñasa.

**“Jichha uruxa jumataki qhara urusti nayatakiraki”.**

Aka sawixa purapata munasiña chuymampi yanapt’asiña yatichistu. Ayllunakasaxa, jank’aki kuna lurawinaksa tukjañatakiwa aka yanapasiwixa utji. Akaxa yapu lurawinakana, uywachawinakana, yaqha lurawinakanawa phuqhataspa.

**“Janiwa kunasa jamasata apnaqasiñakiti, kunasa yatisirikiwa, siwa”.**

Aka sawixa jani kunsa jamasata apnaqasiña yatichistu, taqi kunasa yatisiriwa. Ukata jiwasi jamasata apnaqirishnaxa jani walita uñjatasnawa. Jichha pachanakanxa, wayna tawaqunakaxa janiwa jamasata sarnaqapxañapakiti, ukhamata jani waliru puriskañataki.

**“Janiwa awkirusa, taykarusa jachayañakiti, janiraki aynisiñakiti, ukhama jachayipanxa janiwa kunsa jikxatapxirikiti, sapxiwa”.**

Aka sawixa awki taykasaru yäqaña yatichistu. Ukhamata mä qhipa uruna jani jachañaru puriskañasataki. Aka yäqawinakaxa, munasiña tuqi, yanapt’awi tuqiwa uñacht’ayatañapa.

**“Nayraru sart’añatakixa pankanaka ullapxañasawa”.**

Pankankaxa kunaymani yatiwinakaniwa, ukatwa wakisi sapa urunjama ullart’aña. Ukhamata, wali amuyuniñataki kunaymani lurawinakana.

**“Janiwa uta punkuru qunuñati, jaqiwa k’arintasiri, siwa”.**

Punkuruxa janiwa qunuñati, jaqiwa kunaymani tuqita k’ari arunakampi arusiri.

**“Wayna tawaqutakixa qullusa pampa, pampasa qulluwa”.**

Wayna tawaquxa wali ch’amaniskapxiwa, ukatwa wakisi wali suma askirjama irnaqt’aña. Ukhamata qhipa urunakana wali suma qamasiñataki.

**“Jakawisana aruntasiñapuniwa, anukiwa amuki jalakipasixa”.**

Markanakasanxa aruntasiñaxa wakisipuniwa. Ukhamata

sullkaxa jilirirjama, jiliristi sullkarjama purapata yäqasisa qamasiñataki. Jani aruntasiri jaqixa uywaru uñtatawa sarnaqi, sapxiriwa. Ukatawa utjawisana, markanakana aruntasiñaxa wakisi.

**“Aymara markanxa taqi kunawa panipuni, ukatawa kuna laq’usa jamach’isa panipuniwa sañaxa utji”.**

Aka jakawisa taypinxa, chacha warmi qamasiñaxa wali kusawa. Ukhamata purapata yanapt’asisa, munasisa nayraru sarantañataki. Panitakixa kuna lurawinakasa jank’akiwa jikikipti.

**“Aka pacha jakawinxaxa taqi kunawa sarawini sarawiniwa”.**

Markanakana kunasa pachaparjamapuniwa luraña wakisi. Yapuchawina, uywachawina pacha uñakipt’asa ukhamata suma achuwi katuqañataki. Ukatwa sapxi kunasa sarawini sarawiniwa.

**“Janiwa yuqalla wawaruxa warmi isimpi isiyañati, warmina nuwañiriwa, siwa”.**

Mä utjawina chachana p’iqiñapatakixa, jisk’atpacha janiwa warmi isimpi isiyañati. Ukatwa jisk’atpacha yuqalla wawaruxa pachpa isipampi isthapt’ayaña.

**“Janiwa umata jark’asiñakiti ukjama jark’asipanxa umawa apasiri, siwa”.**

Nayra achachilanakaxa janiwa umata jark’asiñaxa wakiskiti sapxapuniriwa. Jark’asirixa pist’añanakawa purinispa.

**“Jalkiri umasa, wajcha wawatakixa wañt’iriwa”.**

Jakawisana ukatxa markanakanxa mä wajcha wawatakixa kunasa pist’iriwa. Ukatwa awki tayka jakkipana munasiña, yanapt’aña, pachaparjama qullt’ayaña wakisi.

**“Janiwa k’ari arunakaxa ist’añati, katuqañasa, arusispkpana sañawa”.**

K’ari arunakaxa jaqi pura pitthapi, ukatwa jani ist’añaxa wakiskiti. Mayniti katuqaspa ukhaxa chacha warmsa, jilapursa pitthapispawa.

**“Q’apha amparani jaqixa, jalkiri jamach’irusa katuspawa”.**

Q’apha amparani jaqixa kuna ch’ama lurawinaksa jank’akiwa jikikiptayaspa.

**“Janiwa uta manqhana khuyusiñati, yänakawa khuyunukusiña, siwa”.**

Uta manqhana khuyusirixa pist’añaruwa purispa, kuna yänakasa tukusiwayxakispawa.

**“Wajchatakixa qalasa pirqasa arsuriwa, siwa”.**

Kunapachatixa maynixa wajcht’awayi ukhaxa jupa tuqixa jani walinaka aruxapxakiwa. Kuna uñch’ukiñasa uñstakispawa, jani awki taykanitapalayku.

**“Janiwa warmi ch’utuqumpixa asxatasiñati, warmiwa atipt’asiri, siwa”.**

Wila masi taypina ukatxa markanakana warmi ch’utuqumpi asxatasiri chachaxa janiwa p’iq’taña atirikiti sapxiwa. Warmina amtaparukiwa phuqhiri sapxiwa.

**“Janiwa wara waranakaxa jakhuñati, walja wawaniñiriwa, siwa”.**

Laqampu uñkatasaxa janiwa wara waranakaxa jakhuñati. Mayniti jakhuspa ukhaxa walja wawaniwa uñjasispa.

**“Q’apha jaqisti walja yänakwa jikxati”.**

Q’apha amparani jaqixa jank’akiwa taqi kunsa jikxataspa.

Ukatwa wakisi irnaqawinakaru willjtata, arumkama irnaqawinakampi phuqht’aña.

**“Mä masixa taqi pacha munasiripuniñapawa”.**

Mä masixa pist’añansa, llakisiñansa, kusisiñansa munasiña chuymampipuniwa yanapt’añapa

**“Wawaruxa chiqañchañawa wakisi, jani ukhamaki uñch’ukimti jani ukasti pachaparjama mutuyama, mä qawqha jawq’jasa janiwa jiwaykatati”.**

Utjawinakasanxa wawanakaruxa jani wali lurawinakapatxa pacharjamawa chiqachañawa wakisi. Wayna tawaquxapxixa janiwa turkaki pawinakaxa utxaspati.

**“Kunti nayramampi uñjkata ukhaxa jani mäki jucha t’aqjiriru yatiyiri saramti”.**

Kunapachatı mä jani walt’awi yatisa, jani ukaxa nuwasiñanaka uñjasaxa, janiwa jank’aki jucha t’aqayasiña utaru puriñati, kunatixa juk’ampi qullqiwa wakisipa, jani ukaxa juk’ampi jani walt’awinakaruwa purisma.

**“K’ank’a warariski ukhaxa sartasiñawa wakisi, irnaqawimpi qalltañatakiwa”.**

Ukaxa pachaparjama irnaqaña yatichistu. Ukatxa pacha sarawinaka yatiyarakistu.

**“Waynakasinxa jumanaka pachpawa suma uñjasipxañama, kunapachatixa chuymani xapxäta ukhaxa usuntapxasmawa, sapxiwa”.**

Ukaxa saña munarakiwa, taqini suma uñjasipxañasa jani usuntañataki, kunapachatixa chuymani xäta ukhaxa walikiskañamataki, q’umara sarnaqapxañamatakiwa.

**“Wayna tawaqusinx, jank’akiwa jank’akiwa sartasiña, jani jayra sayasiñataki, sapxiwa”.**

Aka sawixa jank’akiña yatichistu, taqi wayna tawaqusinx jank’akiwa kunasa lurasina, ukhamaraki jank’akiwa sartasipxanapa, ukhamaniti ukhaxa jani jayrata uñt’atapxaniwa.

**“Janipuniwa aka jakawina jani amuyt’asisa kunasa lurañakiti, amuyt’asisapuniwa kunasa luraña”.**

Ukaxa suma amuyt’asiriña saña munistu, taqi kuna lurañatakixa amuyt’asisapuniwa luraña, jani jakawina pantjasiñataki sapxiwa. Nayra pachanakatpuni yapuchawinakana, irnaqawinakana suma amuyt’asisa sartapxiritayna.

**“Janiwa taykasaruxa jachayañakiti kunatixa jakawinx janiwa kunsajixatirikiti”.**

Aka jakawinx janiipuniwa awki taykanakaru jachayañakiti, kunatixa janiwa kuna yänaksa jikxatapkaspiti.

**“Yuqalla wawanikasasa imilla wawanikasasa jaqina wawanakaparu janiwa k’umiñakiti. Taqi kunasa aynikiwa”.**

Jani yaqhana wawanakapata arsumti, jani uñtamsa, jani ist’arakimsa. Wawanakamaxa pachparusa purirakispawa.

**“Khititixa suma irnaqki ukaxa, suma manq’asi”.**

Aka jakawinx irnaqañawa wakisi, jani t’aqhisiña munksta ukhaxa, ukjamaraki suma manq’t’asiñataki.

**“Yatiñani jaqinakampi chika sarnaqañaxa yatiñaniru tukupxañawa”.**

Juk’ampi askiwa yatiñani jaqinakampi sarnaqaña, kunatixa yatiñaninakaxa yatiwinakapa yatichapxistu.

**“Janiwa anuxa q’ipnaqañati, awkituqiruxa atisa k’umuwa sarnaqasma, siwa”.**

Jakawina anuruxa janiwa q’ipnaqañati, awki tuqiruxa atisa k’umuwa sarnaqasna. Yamakisa uywanakaxa askirjamawa uywaña wakisi.

**“Inakasaxa qalasa ch’iwiru itkataskañawa, ch’iwitsa lupiru ituqasiñkañawa”.**

Kunapachatixa pachanikta ukjaxa, yaqha lurawinakampi chikañchasiñawa wakisi. Utjawi tuqinx chachaxa, warmina lurawinakapampi chikañchasipxarakispawa, ukhamata purapa yanapasina utjañapataki.

**“Jamach’ixa jaqi jutañapatakixa ch’ikhisiriwa, sapxiwa”.**

Markanakanxa, kunapachatixa jila kullaka masinakasaxa utaru tumpiri jutki ukhawa jamach’ixa ch’ikhisi.

**“Ch’uqiruxa janiwa q’arakayuxa sarxatañati, itawasiriwa, siwa”.**

Nayra maranakatpuni achachilanasaxa sawayistu, ch’uqiruxa janiwa takisiñati. Kayutwa itawasiri sasa. Ukatwa utjawinakasana juyraru, achunakaru jani takisiñasati.

Escúchalo y  
entiéndelo  
en **aymara**



## JAMUSIÑANAKA



Escúchalo y  
entiéndelo en  
**castellano**

### JAMUSIÑANAKA

Jamusiñanakaxa, jank'akiña yatiwi amuyu tuqi yatichistu, ukhamata chiqt'añataki. Markanakasanxa jamusiñanakaxa ch'ikhi amuyuniña ch'amañcharakistu. Ukjamata kunaymani kasta arunaka jank'aki arst'añataki.

Yatiña uta taypinakanxa, aka jamusiñanakaxa markasana yatiwinakapa yaticht'añatakiñapawa. Kasta uywanaka uñtasa, yänaka uñtasa, jakawisa uñtasa ukatxa ayllunakasana yatiwinakapa, sarawinakapa nayraru ch'amañchañatakiwa.

Aka jamusiñanakaxa nayra maranakatpacha utjapunitaynawa. Ukatwa yatichawi yatiqawi tuqiru chikañchayañaxa wakisi, ukhamata yatiqirinakaru anatt'asa yatiwinaka yatxatapxañapataki.

Kunasa, kunasa, uruxa  
ikinti, arumaxa irnaqi,  
jayata q'uphi wali thujsawa.  
¿Kunäpachasa?



Ukaxa, **AÑATHUYAWA**

Kunasa, kunasa,  
Sunì pampanakana wali  
ch'ikhi jalanaqasirithwa  
isijaxa qurimpi sasiwa  
¿Kunäpachasa?



Ukaxa, **WARIWA**

Kunasa, kunasa,  
Janq'u isinithwa, waña  
pachaxa wali sarnaqasthxa,  
jallu pachaxa llakimpi  
sarnaqaskthxa manq'a  
thaqhawi layku.  
¿Kunäpachasa?



Ukaxa, **IWIJAWA**



Ukaxa, **QAMAQIWA**

Kunasa, kunasa,  
jani khithi manq'a wajt'irinithwa  
uka pampanakata wali ch'ama  
tukusa manq'a jikxattha.  
¿Kunäpachasa?



Ukaxa, **K'ANK'AWA**

Kunasa, kunasa, wila  
kachuchani, qunqurisa  
qhiphajar uñtata wali  
warmirara wali alwata  
sartayiri sapa pacha  
arjayirixa.  
¿Kunäpachasa?

Kunasa, kunasa,  
jach'a kunkanithwa, pusi  
kayunithwa, sunì pampana  
jakasirithwa thayansa,  
lupinsa jalanaqt'asirithwa.  
¿Kunäpachasa?



Ukaxa, **QARWAWA**

Kunasa, kunasa,  
mä q'ara lawaki saranti,  
maya puquntasina,  
amstaru lik'intawayi.  
¿Kunäpachasa?



Ukaxa, **JUPHAWA**



Kunasa, kunasa, mä  
tawaquru uñtatawa lupina  
lupjatasa thayana thayjatasa  
jani jiwiriwa ch'uxña isiniwa.  
¿Kunäpachasa?



Ukaxa, **T'ULAWA**



Ukaxa, **WICHHUWA**

Kunasa, kunasa,  
khä qullu chika parkita  
Pä lunqhu turunaka unch'ukiniski.  
¿Kunäpachasa?



Ukaxa, **ILLAWAWA**

Kunasa, kunasa,  
jisk'akipanxa wali ch'uxña,  
phuriqatwa mara maratxa  
chika chuymajaxa phunsuwayxiwa.  
¿Kunäpachasa?



Ukaxa, **NAYRAWA**

Kunasa, kunasa,  
mistu manti mistu  
manti mayaru puri.  
¿Kunäpachasa?

Kunasa, kunasa,  
Kimsa nayrani mä  
Lakani ñiq'ita luratathwa.  
¿Kunäpachasa?



Ukaxa, **PACHAWA**

Kunasa, kunasa,  
jani chhiqhani tuyuspa  
jani nayrani jachaspa,  
jani kayuni sarnaqaspa.  
¿Kunäpachasa?



Ukaxa, **QINAYAWA**




Ukaxa, **QHIRIWA**

Kunasa, kunasa,  
jamach'jama tuyusta,  
janirakiwa chhiqhanikti  
janirakiwa kayunikti.  
¿Kunäpachasa?



Kunasa, kunasa  
ch'uxña walja  
laphinakani.  
¿Kunäpachasa?



Ukaxa, **SIWULLAWA**

Kunasa, kunasa  
umampi phuqhantata  
challwanakana utjawi.  
¿Kunäpachasa?



Ukaxa, **QUTAWA**



Ukaxa, **AYRUWA**


Kunasa, kunasa,  
phayasa khuchkasa,  
khuchkasa jachayistu.  
¿Kunäpachasa?

Kunasa, kunasa,  
jallupachawa qhuruchasi.  
¿Kunäpachasa?



Ukaxa, **WILLKAWA**

Kunasa, kunasa,  
walja jisk'a uywanakaxa  
mayaki irnaqasipxi.  
¿Kunäpachasa?



Ukaxa, **K'ISIMIRANAKAWA**



Ukaxa, **Q'IXU Q'IXUWA**

Kunasa, kunasa,  
uruxa mä muruq'u  
urunakaxa k'aji, arumaxa  
imantasirakiwa.  
¿Kunäpachasa?

Kunasa, kunasa,  
jisk'a uywanaka uma  
manqhana jakapxi.  
¿Kunäpachasa?



Ukaxa, **CHALLWAWA**



Kunasa, kunasa,  
jach'a lakani,  
purakani, manq'a  
qhathiyapxi.  
¿Kunäpachasa?

Ukaxa, **PHUKHUWA**

Kunasa, kunasa,  
asiruru uñtata laq'a  
manqhana jaki ukaxa.  
¿Kunäpachasa?



Ukaxa, **SILLQ'UWA**

Kunasa, kunasa,  
phaña churstu, jach'a  
ch'uxña laphinakani.  
¿Kunäpachasa?



Ukaxa, **QUQAWA**



Ukaxa, **IWIJAWA**

Kunasa, kunasa,  
mä uywaxa janq'u  
quña isini, jaqiru  
aycha churi.  
¿Kunäpachasa?

Kunasa, kunasa,  
jisk'a uywa, jach'a  
jinchuni, wali jaliri.  
¿Kunäpachasa?



Ukaxa, **WANK'UWA**



Kunasa, kunasa,  
k'awnata yuri, wich'inkhani,  
chhichhillankhanaka  
manq'asiri.  
¿Kunapachasa?



Ukaxa, **JARARANKHUWA**

Kunasa, kunasa,  
qhiyaru uñtata  
alaxpachana jitnaqi  
uma willt'asisa.  
¿Kunapachasa?



Ukaxa, **QINAYAWA**



Kunasa kunasa,  
panqaranakaru  
ch'amurt'iri  
misk'i luririxa.  
¿Kunapachasa?

Ukaxa, **TAMURAYAWA**

Kunasa, kunasa,  
qutana utji ukata  
alaxpachata  
williqtani.  
¿Kunapachasa?



Ukaxa, **UMAWA**



Ukaxa, **JAWIRAWA**

Kunasa, kunasa,  
uma jalayi qutaru  
puriñkama.  
¿Kunapachasa?

Kunasa, kunasa,  
jallu tukutaru paqallqu  
saminakani willkana  
qhanapampi sayt'i.  
¿Kunapachasa?



Ukaxa, **KURMIWA**

Khithisa, khithisa Pacha Mama,  
Pacha Tata  
q'añuchjasa tukjaski.  
¿Kunäpachasa?



Ukaxa, **JAQINAKA**

Kunasa, Kunasa,  
arumi samini achu,  
wank'usa wali  
muxsa manq't'asi.  
¿Kunäpachasa?



Ukaxa, **SANAWRIWA**

Kunasa, kunasa,  
alwanakaxa arnaqasi  
ukata jaqinakaru  
sartayaraki.  
¿Kunäpachasa?



Ukaxa, **K'ANK'AWA**

Kunasa, kunasa,  
janq'u qhawani  
mamapaxa wallpawa.  
¿Kunäpachasa?



Ukaxa, **K'AWNAWA**

Kunasa, kunasa,  
aruma tuqiruxa  
taqiniwa purakaparu  
mantapxi.  
¿Kunäpachasa?



Ukaxa, **UTAWA**

Kunasa, kunasa,  
willkampita,  
jallumpita imt'istu.  
¿Kunäpachasa?




Ukaxa, **CH'IWIÑAWA**

Kunasa, kunasa,  
Sapa alwanakaxa  
jisk`a jayllirinaka  
jayllipxi, alaxpacharu  
paysuma sasina.  
¿Kunäpachasa?



Ukaxa, **JAMACH`INAKAWA**

Kunasa, kunasa,  
Pusi tunka jilanaka,  
taqini wila p`iqinkamaki,  
mä utana qamasipxi,  
p`iqita jat`irasmamaxa  
nakhantiristamwa.  
¿Kunäpachasa?



Ukaxa, **PHUSPHURAWA**



Kunasa, kunasa,  
mä jamach`ixa,  
juyphintañapatakixa  
jayp`unakaxa  
wali warart`aña yati.  
¿Kunäpachasa?

Ukaxa, **LIQI LIQIWA**



Kunasa, kunasa,  
aruma ukata uru muyuski,  
jaqinakaxa pacha  
yatiñataki wali  
unch`ukipxi.  
¿Kunäpachasa?

Ukaxa, **PACHA TUPUWA**

Kunasa, kunasa,  
mä jisk`a jamach`i  
jaqina ch`axwañapatakixa,  
arumanakawa lart`asiña yati.  
¿Kunapächasa?



Ukaxa, **LAYQA PHICHITANKAWA**

Kunasa, kunasa,  
wali q`ipt`ata mä p`iyaru  
manti, ukatsti ch`usaki  
mistunxi.  
¿Kunäpachasa?



Ukaxa, **JISK`A WISLLAWA**



Kunasa, kunasa,  
jisk'itakiwa. Janiwa  
lakanikiti, ukampisa  
arsuri. Janiwa jinchunikiti  
ukampisa ist'iriwa.  
Wali warariña yati.  
¿Kunäpachasa?




Ukaxa, **Q'IXU Q'IXUWA**

Kunasa, kunasa,  
sapa alwawa  
mistunta, jayp`urusti  
mantawayxarakthwa.  
¿Kunäpachasa?




Ukaxa, **WILLKAWA**




Ukaxa, **CHILIRIWA**

Kunasa, kunasa,  
lliphipi lliphipi sasa  
purini, jallu pachaxa.  
¿Kunäpachasa?

Kunasa, kunasa,  
ch'iyara samini,  
umaru manti janiwa  
ch`aranjaskiti, ninaru  
manti janiwa nakhanktkiti.  
¿Kunäpachasa?



Ukaxa, **CH'IWIWA**



Ukaxa, **SIWULLAWA**

Kunasa, kunasa,  
mä tama uthurunkunaka,  
panqarata panqarata tuynaqi,  
ukatxa musq'a misk'inaka lurapxi.  
¿Kunäpachasa?



Ukaxa, **WAYRUNQUWA**

Kunasa, kunasa, mä  
lik'i awkili utji, ukata  
janq'u punchumpi,  
ch'iyara p'allqampi  
isthapt'ataxa.  
¿Kunäpachasa?



Ukaxa, **KHUNU QULLUWA**

Kunasa, kunasa,  
walja saminakani,  
panqara patanakanxa  
wali jalnaqaraki.  
¿Kunäpachasa?



Ukaxa, **PILPINTUWA**



Ukaxa, **K'ANK'AWA**

Kunasa, kunasa, jiwa  
wila kachuchaniki,  
qunqurisa qhipajaru  
uñtata, warmitsa wali  
warmiraraxa.  
¿Kunäpachasa?



Ukaxa, **ALLQAMARIWA**

Kunasa, kunasa, mä jamach' i  
utji, uka jamach'ixa ch'iyara  
isthapt'ata, janq'u tukuyuni,  
thakhina jikxatasma.  
¿Kunäpachasa?

Kunasa, kunasa, jisk'a  
p'iqijaxa q'illuwa,  
ñik'utánakapaxa janq'itu,  
puraka usutakixa wali suma.  
¿Kunäpachasa?



Ukaxa, **MANSANILLAWA**

Kunasa, kunasa,  
purakitajaxa ch'uxña,  
manqhanxa walja jisk'a  
qalitanakanithwa ukhamarusa  
wali qhuruthwa.  
¿Kunäpachasa?




Ukaxa, **LUQUTUWA**



Kunasa, kunasa,  
mä ch'uxña sillp'ini,  
walja ch'iyara qalitanakani,  
janq'u t'arwampi llawthapitarakixa.  
¿Kunäpachasa?



Ukaxa, **PAKAYAWA**



Ukaxa, **CH'UQIWA**

Kunasa, kunasa, k'utiru  
uñtasita, waranqa wawani  
juyphita larusiripacha.  
¿Kunäpachasa?



Ukaxa, **JUPHAWA**

Kunasa, kunasa,  
uruxa ajanu uñacht'ayiri,  
arumasti imantasiri jiliri tataxa.  
¿Kunäpachasa?



Ukaxa, **WILLKAWA**



Ukaxa, **QUQAWA**

Kunasa, kunasa,  
manqhata yuriri, anqana jakasiri,  
jalluta umasiri, sayt'ata manq'iri,  
sayt'atpacha jiwiri.  
¿Kunäpachasa?

Kunasa, kunasa,  
saritasa jay jay siriwa  
q'ipinisa t'ijupuniwa sari  
jani samart'iri.  
¿Kunäpachasa?



Ukaxa, **K'ISIMIRAWA**

Kunasa, kunasa,  
wali ch'ikhi kullaka, tuqisisa,  
tuqisisa, sarnaqiri thantha isita  
jani mistuta.  
¿Kunäpachasa?



Ukaxa, **WALLPAWA**

Kunasa, kunasa,  
Janiwa panqara apnaqirikthti,  
jani ukatsi panqarampiwa  
irnaqtha. Jaqinakaxa walipuniwa  
phurphiyapxitu, ukatsti nayana  
achuyata achunaka aparapxitu.  
¿Kunäpachasa?



Ukaxa, **MAMURAYAWA**



Ukaxa, **KHUNU QULLUWA**

Kunasa, kunasa,  
walja waranqa waranqa  
mara sayiri jamq'u p'iqini  
achachilaxa.  
¿Kunäpachasa?



Ukaxa, **JALLUWA**

Kunasa, kunasa,  
Alaxpachata jaquqtani  
ukata uraqiruwa  
q'umacharaki.  
¿Kunäpachasa?

Kunasa, kunasa,  
Thuqhti, thuqhti jani  
wich'inkhani ukhamaraki  
wali jipiri urusa arumasa.  
¿Kunäpachasa?



Ukaxa, **K'AYRAWA**

Kunasa, kunasa,  
utana k'uchuta k'uchu jalnaqiri  
ch'aska imillaxa.  
¿Kunäpachasa?



Ukaxa, **PICHAÑAWA**

Kunasa, kunasa,  
tawaquxa muyusa,  
muyusa lik'iptirixa.  
¿Kunäpachasa?



Ukaxa, **QAPUWA**



Ukaxa, **PHUKHUWA**

Kunasa, kunasa, jach'a lakani,  
jach'a purakani, jinchu p'iyapata  
waynaqataxa jani warariri lik'i warmixa.  
¿Kunäpachasa?



Ukaxa, **KAYUNAKAWA**

Kunasa, kunasa,  
atipasisa atipasisa  
sarantiri pä yayaxa.  
¿Kunäpachasa?

Kunasa, kunasa,  
isipaxawali munata, aychapaxa  
liwtata, t'iskuñatakixa supayaxa.  
¿Kunäpachasa?




Ukaxa, **WARIWA**



Ukaxa, **QALAKAYUWA**

Kunasa, kunasa,  
llamp'uchawi t'arwarara lurata  
uywa, khinitixa sapa kuti  
jutki uñjasaxa jachiri, jach'a  
jinchuni, q'iptañatakisa kusa.  
¿Kunäpachasa?

Kunasa, kunasa,  
thiyani thiyani, sayani  
sayani, purini purini.  
¿Kunäpachasa?



Ukaxa, **CH'IWIWA**



Kunasa, kunasa,  
utana k'uchuta, k'uchuta  
q'umachiri ch'aska imillaxa.  
¿Kunäpachasa?



Ukaxa, **PICHAÑAWA**



Ukaxa, **NAYRANAKA WA**

Kunasa, kunasa,  
maya p'iyata manti, kimsa  
p'iyata mistuxa.  
¿Kunäpachasa?



Ukaxa, **CHUMPAWA**

Kunasa, kunasa,  
maya suma wayna  
janq'u pantalunani,  
ch'iyara kaputinixa.  
¿Kunäpachasa?



Ukaxa, **P'ALLQAWA**

Kunasa, kunasa,  
anu jaraphita, phisi jaraphita,  
chikata chikata janchina p'iqina  
ñik'uta askichirixa.  
¿Kunäpachasa?



Ukaxa, **CHHAXRAÑAWA**



Ukaxa, **ALLQAMARIWA**

Kunasa, kunasa,  
maya p'iyata qallti,  
paya p'iyaruwa tukusi.  
¿Kunäpachasa?

Kunasa, kunasa,  
maya warmixa muyusa  
muyusakiwa usuripti.  
¿Kunäpachasa?



Ukaxa, **QAPUWA**

Kunasa, kunasa,  
maya k'acha mayt'a  
arumanakakipuni  
charankusa jat'isisa sarnaqi.  
¿Kunäpachasa?



Ukaxa, **KHIRKHIWA**



Ukaxa, **K'ISIMIRAWA**

Kunasa, kunasa, q'ipinisa  
jani q'ipinisa t'ijupuniwa  
sari, jani samart'iri.  
¿Kunäpachasa?



Ukaxa, **WILA PANQARAWA**

Kunasa, kunasa,  
mä suma q'aphini,  
k'ajkiri saminakani, suma  
q'aphipaxa samkañaru  
puriyi.  
¿Kunäpachasa?

Kunasa, kunasa, paya  
kullaka suk'awa, jani jaljtasa  
sarapxi nayraru chhuruni,  
qhipha tuqiru nayrani.  
¿Kunäpachasa?



Ukaxa, **KHUCHHUÑAWA**

Kunasa, kunasa,  
jawiranakana, muxsa  
umanakana jakasi ukata  
aychapaxa wali sumawa.  
¿Kunäpachasa?



Ukaxa, **CHALLWAWA**

Kunasa, kunasa,  
Arumanakaxa jani  
jawillt'atawa purinipxi,  
uruxa chhaqtapxi ukata  
janiwa ukankapkiti.  
¿Kunäpachasa?



Ukaxa, **WARA WARANAKAWA**

Kunasa, kunasa,  
nayaxanpusi kayunithwa  
ukhamaraki janiwa sarnaqkthti.  
¿Kunäpachasa?



Ukaxa, **TIWANAWA**

Kunasa, kunasa,  
pusi kayuni ukampisa janiwa  
sarnaqaña yatkiti, p'iqiniwa  
ukampisa janiwa amuykarakisa.  
¿Kunäpachasa?



Ukaxa, **PILIWA**

Kunasa kunasa,  
jani alaxpachana tuyuri,  
qutansti wali tuyt'asirixa.  
¿Kunäpachasa?

Ukaxa, **IKIÑAWA**

Kunasa, kunasa, ch'iyara  
samini qullunsa, pampansa,  
qalanakansa, laq'ansa,  
sarnaqiri wali ch'ullqhiwa.  
¿Kunäpachasa?



Ukaxa, **WISKHUWA**

Kunasa, kunasa,  
paya muruq'u kayuni,  
taqi jaqinakaru q'iptiri.  
¿Kunäpachasa?



Ukaxa, **SIKLUWA**



Kunasa, kunasa, pusi  
kayituni, ukhamaraki walja  
ch'akha muniri ukatsti  
wich'inkhaki unuqiyaski.  
¿Kunäpachasa?




Ukaxa, **ANUWA**

Kunasa, kunasa, q'ipinipiniwa  
jank'aki sarnaqi ukatxa jani  
samart'asa sapa uru irnaqi.  
¿Kunäpachasa?



Ukaxa, **K'ISIMIRAWA**

Kunasa, kunasa, nayakiwa  
muxsa achunaka  
taypina k'allk'utxa.  
¿Kunäpachasa?



Ukaxa, **LIMUNAWA**

Kunasa, kunasa, mä suma  
wayna, ch'umpi suma isini  
ukata nasapasti  
wich'uñarakiwa.  
¿Kunäpachasa?



Ukaxa, **QAMAQIWA**

Kunasa, kunasa, p'iqipasa  
pallallaki, kayitupasa  
wilalaki pampanakana  
qamasirixa.  
¿Kunäpachasa?



Ukaxa, **LIQI LIQIWA**

## TUKUYA

Aka qillqatanakaxa Escuela Superior de Formación de Maestros, Unidades Académicas uksana yatiqiri wayna tawaqunakana qillqatanakapawa. Sapa marawa Taller Complementario de Lengua Originaria (TCLO) aymara yaticha yatiqa uñacht'ayapxi, ukanwa markasana yati sarawinaka yatxatasa, jiskt'asa, qillqapxi.

Aka chapara arunaka, sawinaka, jamusiñanaka apthapitaxa aymara tunu amuyunaka sartayasa ch'amañchañatakiwa; ukhamata yatiña utanakana yatichirinakataki, yatiqirinakataki ukatxa taqi aymara aru yatxatirinakatakixa mä ch'amañchawiniwa

## PANKANAKA

LAYME F. (2004), DICCIONARIO BILINGÜE, La Paz – Bolivia. Tercera Edición.

BERTONIO, Ludovico VOCABULARIO DE LENGUA AYMARA. La Paz: Ceres /IFEA/Musef.

HARDMAN J., Martha y otros (1988) Aymara, compendio de estructura fonológica y gramatical. La Paz: Gramma.

LAYME PAIRUMANI, Félix. 1995 Aymara qillqaña yatiqañani. La Paz: Industrias Offset Color.

Ministerio de Educación. (2011) AYMARA ARU THAKHINCHAWI, La Paz – Bolivia, Arcus Industria Gráfica.

Instituto de Lengua y Cultura de Nación Aymara (ILCNA) VOCABULARIO PEDAGÓGICO DE LA LENGUA AYMARA, (2020), La Paz – Bolivia, Citygraf Industria Publicitaria.

CARVAJAL, J. (1990). ESTRUCTURA GRAMATICAL DE LA LENGUA AYMARA. Centro Cultural JAYMA.

Ministerio de Educación. QAMA ARU PIRWA. Diccionario Monolingüe Aymara (2022). Citygraf Industria Publicitaria.

Trabajos finales del Taller Complementario de Lengua Originaria (TCLO), 2023 ESFM “Simón Bolívar”, “Unidad



Académica Caranavi”, ESFM “Mcal. Andrés de Santa Cruz y Calahumana”, “Unidad Académica Corpa”, ESFM “Técnico Humanístico El Alto”, ESFM “Villa Aroma”, ESFM “Santiago de Huata”, ESFM “Warisata”, ESFM “Antonio José de Sucre”, ESFM “Caracollo”, “Unidad Académica Machacamarca”, “Unidad Académica Pampa Aullagas”, ESFM “Angel Mendoza Justiniano”, “Unidad Académica Corque”, ESFM “Franz Tamayo - Llica”, ESFM “Mcal. Andrés de Santa Cruz, Unidad Académica San Luis de Sacaca”.

2024



#### DIRECCIONES

LA PAZ: Zona Miraflores calle Estados Unidos N°1065 (Cerca mercado Haití).

ORURO: Dirección Departamental de Educación de Oruro  
bloque "A" 3er. Piso Oficina N°23.

REFERENCIAS: Cel: 68000013 (W) EMAIL: ilcnaipcl2013@gmail.com